

NAMA : _____

KELAS : _____

Berdasarkan petikan prosa tradisional di bawah ini, sila jawab soalan berikut.

Hatta, maka pada suatu hari pergilah Si Bongsu melihat-lihat kolam ikan peninggalan orang tuanya. Didapatinya dekat kolam itu tujuh orang wanita baru sahaja selesai mandi dan sedang bersiap-siap untuk berangkat pulang. Maka berkatalah anak yatim piatu itu kepada tujuh orang wanita itu, "Jikalau tuan hamba tidak berkeberatan, perkenankanlah kiranya saya turut sama."

Jawab tujuh orang wanita itu, "Jikalau saudara mahu, apa salahnya. Kami tidak keberatan sama sekali. Akan tetapi saudara sendirilah yang mahu ikut dengan kami dan kami tidak berkeberatan."

Kemudian tujuh orang wanita itu pun pergi dan diikuti oleh anak yatim piatu itu. Mereka menuju ke kayangan dengan mempergunakan pelangi sebagai tangganya. Tujuh hari tujuh malam, mereka berjalan, akhirnya sampailah mereka di kayangan. Setibanya di kayangan, maka anak yatim piatu itu melihat tujuh orang wanita yang diikutinya tadi sudah tidak ada lagi. Entah ke mana mereka itu menghilang. Fikirannya menjadi kusut. Tidak berapa lama kemudian, maka dilihatnya di tengah-tengah sebuah dusun ada sesuatu yang dijemur orang di bawah panas teriknya matahari. Benda itu kuning warnanya, berkilau-kilau ditimpa sinar matahari. Maka berkatalah anak yatim piatu itu di dalam hatinya, "Yang kuning kemilau itu tentu selonggok emas." Kemudian didekatinya, diperiksanya benda itu. Dilihatnya pula bahawa benda itu sedang dijaga oleh yang empunya. Maka anak yatim piatu itu pun bertanya kepada yang empunya emas itu, "Hai, dari manakah gerangan tuan mengambil emas sebanyak ini?"

Maka dijawab yang empunya, "Apa? saudara kira yang saya jemur ini emas?"

(Dipetik daripada prosa tradisional 'Asal Padi',
antologi *Kuingin Berterima Kasih*, Tingkatan 1,
Kementerian Pendidikan Malaysia)

1. Berdasarkan petikan, apakah yang sedang dilakukan oleh tujuh orang wanita di tepi kolam?
 - A. Sedang bermandi-mandi di dalam kolam tersebut
 - B. Sedang bersembunyi di dalam kolam itu supaya tidak terlihat oleh Si Bongsu
 - C. Sedang bersiap-siap untuk mandi di dalam kolam tersebut
 - D. Sedang bersiap-siap untuk pulang setelah selesai mandi

“Jika tuan hamba tidak keberatan, perkenankanlah sekiranya saya turut sama.”

2. Ayat di atas menunjukkan bahawa si Bongsu ingin _____
- A. Mandi bersama-sama dengan tujuh orang wanita itu
 - B. Mengikut tujuh orang wanita itu ke kayangan
 - C. Membersihkan kolam ikan selepas tujuh orang wanita itu selesai mandi.
 - D. Mengahwini salah seorang daripada tujuh orang wanita itu.
3. Berdasarkan petikan, mengapakah fikiran Si Bongsu menjadi kusut?
- A. Tujuh orang wanita melarang Si Bongsu mengikut mereka ke kayangan.
 - B. Tujuh orang wanita yang diikuti oleh Si Bongsu ke kayangan telah hilang.
 - C. Si Bongsu terpaksa berjalan selama tujuh hari tujuh malam untuk sampai ke kayangan.
 - D. Si Bongsu ditangkap kerana disyaki mencuri emas.
4. Yang berikut merupakan peristiwa yang berlaku dalam petikan di atas, **kecuali**
- A. Si bongsu dan tujuh orang wanita berjalan ke kayangan selama tujuh hari tujuh malam.
 - B. Si bongsu melihat benda yang berwarna kuning di tengah-tengah sebuah dusun.
 - C. Si bongsu dilayan dengan penuh mesra oleh tujuh orang wanita ketika berada di kayangan.
 - D. Si bongsu dan tujuh orang wanita menggunakan pelangi sebagai tangga untuk pergi ke kayangan.
5. Apakah perwatakan anak yatim piatu berdasarkan petikan di atas ?
- A. Taat
 - B. Berani
 - C. Angkuh
 - D. Penyayang

6. Antara berikut yang manakah bukan menunjukkan latar tempat di dalam petikan di atas?

- A. Di kolam ikan
- B. Di Kayangan
- C. Di tengah-tengah dusun
- D. Di rumah Si Bongsu

7. Bagaimanakah anak yatim piatu itu berjaya sampai di kayangan?

- I. Mengguna pelangi sebagai tangga
- II. Berjalan selama tujuh hari tujuh malam
- III. Mengikut tujuh orang wanita yang sedang balik ke kayangan
- IV. Dibawa terbang selama tujuh hari tujuh malam oleh tujuh orang wanita.

- A. I dan II
- B. III dan IV
- C. I, II dan III
- D. II, III dan IV

8. Mengapakah anak yatim piatu itu berpendapat bahawa benda yang dilihatnya itu ialah emas?

- I. Tujuh orang wanita dari kayangan telah memberitahunya.
- II. Benda tersebut dijaga dan diperhatikan oleh seorang lelaki.
- III. Warnanya kuning serta berkilau-kilau ditimpa sinar matahari.
- IV. Fikiran anak yatim piatu kusut kerana ditinggalkan oleh wanita tersebut.

- A. I dan II
- B. II dan III
- C. I, II dan IV
- D. II, III dan IV

-DISEDIAKAN OLEH CIKGU AIN-